

書

通齋詩選卷之二

北海安丘劉正宗可宗父著

安成門人王辰天樞父選

七言古

古鏡歌

匣藏此鏡十七載。鏡裏白髮舊朱顏。人代幾更留一
鏡。留與新來短鬢斑。韜精養晦亦多年。背蝕土花秀
且妍。投贈案頭珍。十襲清光時向玉臺縣。鏡中故人
半零落。綠汞丹砂色如削。應是悲歡人不同。閱人多

矣○光○自○若○却○憶○當○時○鑄○匪○易○魑○魅○為○走○晶○瑩○異○開○匣
拂○拭○古○盤○螭○一○室○常○愁○風○雨○至○既○失○復○得○緣○何○深○願
君○莫○笑○白○頭○吟○世○情○棄○擲○在○轉○盼○照○此○朝○朝○暮○暮○心
薛○行○屋○招○飲○見○投○長○句○作○此○答○之

回○憶○今○春○重○覲○面○忽○忽○歲○月○擬○奔○電○幾○度○開○尊○卜○良
夜○欲○醉○不○醉○淚○如○綫○新○來○益○得○却○愁○方○逢○場○潦○倒○願
相○見○茫○茫○陸○海○眼○皆○青○浩○歌○不○悟○朱○顏○換○君○從○醉○裏
為○長○句○風○雅○千○秋○儼○未○散○今○宵○舉○觴○燭○正○明○地○爐○火
煖○樹○無○聲○梟○盧○不○辨○籌○縱○橫○一○斗○百○萬○何○重○輕○飲○君

酒○聽○君○歌○捫○舌○已○久○影○婆○娑○干○戈○到○耳○二○東○多○客○興
方○酣○乙○漏○過○刁○斗○催○人○奈○若○何

重相見行

乙○酉○之○春○送○江○水○片○帆○迢○遞○遷○萬○里○萬○里○征○帆○瘴○雨
中○南○北○乍○分○各○九○死○夏○盡○秋○初○余○先○歸○蕭○條○故○里○驚
遊○子○隔○年○逐○隊○復○承○明○悵○望○那○堪○絕○信○使○電○奔○時○序
頓○三○秋○繁○霜○已○換○少○年○頭○肝○腸○久○斷○南○天○雁○何○意○白
頭○重○相○見○鶴○鴒○飛○急○良○不○虛○眼○枯○細○認○當○時○面○初○冬
傳○語○仲○冬○來○鬢○栗○寒○吹○為○我○回○燕○市○深○盃○饒○醪○醕○桃

燈共醉影徘徊。却恨當年同塵網。曾將做帚千金享。
得失悲歡憶塞翁。掀髯一笑酬俯仰。不見數年隔存
歿。天地無情多白骨。重得相見亂離人。醉裏神情猶
恍惚。

聽砧

不必聲牙屈曲。自不同常調。

庭樹經秋聲肅肅。晨風暮雨怯幽獨。雲開風靜樹色
冥。何處擣衣音相逐。客子到耳最易驚。舉頭明月挂
高城。閨中有淚沾胸臆。急節時時空外鳴。鄉思忽來
風爲悲。一身憔悴寄天涯。烽烟瀾望在東隣。鼓鞞動

地多此離寒。生流火授衣遲。聽此砧聲當告誰。君不
見箇中舊有武陵曲。能使征人足不_{難堪}子。又不見天邊
亦有塞雁過。霜空嘹唳送愁多。併向今宵作擣衣夜。
深不寐。徹簾幃。銀河耿耿漏聲微。魂夢長隨雙杵飛。
飲陳實菴齋頭看松雪真蹟及文壽承舊印章
故人斗酒開五簋。倚檻寒花尚繁蘂。長安是處足緇
可○想○見○實○菴○塵入室。遂能空俗累。前賢墨妙拂几光。鐵筆猶傳重
圖史。醉來爾汝劈新螯。疑上扁舟俯蘭芷。頓誇良晤
富小春。裂石清聲復盈耳。舉觴真見李龜年。百歲悲

歡盡如此。風生大漠。片雲飛。鴛鴦鶻去安止。見花
忽自憶東籬。馮夷鼓浪。易荆杞。客子衣裳正怯。單對
酒當歌。坐仍起。松雪翁壽承子。今昔一堂送。寸晷莫
惜。潦倒舞婆娑。短髮飄蕭。吾老矣。

王鐵山將行歌以送之

鐵山磊落多奇情。近日常看醉舊京。掀髯長笑浩歌
發。雲臺磨閣任縱橫。醉裏掉臂復言歸。片帆欲帶燕
雲飛。東樓滄溟南俯江。青青尚有故山薇。猶憶當年
號鐵山。軍聲震警旌。壘寒二東桴鼓一時息。十載河

字句俱響

山空漫漫南去北。來霜滿鬢等閒撚。指光陰迅抗疏
揖讓。遽理裝。以此得歸。壁千仞。舉觴對君君放愁。青
白世眼皆我儔。邵伯湖陽春復秋。五加新熟琥珀流。
我營菟裘買釣舟。盈盈一水逐浮鷗。蓬瀛波杳緱山
修。科頭共醉更何求。

送趙弗如東還

憶聞君名識君面。余時年少君方健。升沉閱盡復長
安。彼此相看髮如線。抑塞磊落遇終窮。不能拔爾空
長歎。只今言別正初冬。燕山木葉下天風。回首猶存

郭隗臺蒼茫不辨昭王宮。鸞鷲高飛麒麟走。豈其類
歟。世難有青萍三尺煥龍文。風雨猶向匣中吼。桑乾
波冷易水寒。莫愁明月照關山。遊子東歸興已闌。待
人修竹小窓閒。華樓近俯滄溟寬。扁舟上有釣魚竿。
吳門市卒費往還。吁嗟此地異人間。

燈夕行

春入鳳城三五裏。迢迢紫陌祥烟起。乘春士女似當
年。燈光燁煜行且止。琉璃錦障雲母屏。重簷珠落照
寶陀。自憐衰謝近市居。到眼繁華亦如此。却向生平

憶舊遊。六鰲高倚雲深處。同人盡解咏星橋。楚楚衣
裳月華度。舉觴卜夜曾幾時。桑田忽改朱顏去。只今
蕭索傍青門。頗恠喧闐如相妬。暗塵拂面何時窮。老
夫淚盡趁東風。閒看月下走兒童。挑燈不厭燭花紅。
金吾戒夜莫怱怱。留此歡娛震蕩中。干戈氣靜復明
農。願見長安錦繡叢。

羸馬行

朝騎羸馬衝寒風。迎眸驟裏錦帕蒙。駑駘蹀躞空息
息。逐隊何由急。在公在公驅馳晝復夜。羸馬怕騎無

從借但願衰年兩耳聾。到遲不聞長官罵。

感興

二月十二響天風。敝裘起走曉寒中。當年此日頗不
同。抱經直入明光宮。物華頓換雙眼蒙。塵容歲序共
恩恩。爐灰自冷麒麟卧。別殿朱甍映日紅。屏息空除
刺老翁。

春風行

長安廣陌動春風。萬籟蕭蕭來自東。綠入澄波正透
迤。波紋蕩漾落花紅。垂楊裊裊絮還飛。千條萬條亂

夕暉。春光忽暮不相待。又送驚飈到客衣。客子尚在
長安行。塵容慘澹鬢華明。燕泥未乾聽鶯聲。風來千
里故鄉情。此情欲逐東風去。望裏迢迢隔烟樹。腸斷
朝朝信馬蹄。朱顏誰向愁中住。獨對疎簾耐暮寒。風
吹春色歸何處。

墮馬短歌

衰年騎馬飽塵土。苦值驚風塌環堵。銜勒難持十步
中。短衣坑塹塹垢泥。伍世路由來多蹉跌。白髮老翁面
如鐵。未嘗快意辱奚為。此理茫茫向誰說。歸卧長天

闔兩扉夢回重憶故山薇

和行屋過遼后梳粧樓詩

傳聞此地有高樓。遼后梳粧駐鳳輦。故趾崔嵬臥寒莎。翠鈿珠翹那在眼。屈指代謝復三朝。樓名未改時廢苑。苑中苑外樹連拳。映日朱扉複道縣。樹老垣摧歌舞歇。年年臺畔只荒烟。乃知盛衰是天意。古往今來等逝川。逝川渺渺不可極。繁華消歇同一息。樓下御河漾綠波。夕陽飛鳥去常急。書生白頭舊耳筆。見說舊遊雙淚濕。歌成聲咽歌不得。蒼茫遙對粧樓立。

○若○歌○得○便○不○須○對○粧○樓○而○蒼○茫○矣○

和天寧寺浮圖歌

高標突兀撐霄碧。西俯崑崙東碣石。電光過眼閱大千。咫尺換盡長安陌。無風鈴鐸乍傳聲。半夜蕭蕭龍象行。盤空孤鶴棲復驚。下瞰螳堙日縱橫。寺中老僧去還來。佛燈寂寂照青苔。

老婦行

東家老婦垂白髮。樵爨無力餘病骨。豈復有意鬪蛾眉。坐守深閨費歲月。却憶當年初嫁時。含羞對鏡理胭脂。但願同心不重色。肯學桃李信風吹。寧知此意

竟難明時移歲換天無情。翠翹珠襦盡零落。閨中其
逐衆人行。自解悲歡隨所遇。紅顏自古艸頭露。只今
幸無入官妬。裙布釵荆亦已足。願將錦瑟與瑤琴。一
時並寫白頭吟。寂寂空房恐虛度。敢道人新不如故。

夏日嘆

老逢長日日偏長。雲流熇影難禁當。亭午無風樹色
蒼。空齋逼仄畏短裳。時復襍穢大路傍。悔將衰鬢伴
官忙。幸免荷戈亦他鄉。繁憂忽忽迫中腸。憂來窓前
雙淚墮。蕉窓舒碧空。婀娜蒲葵入手罷。復行但覺坐

臥無一可連朝到耳盡。羽書并泉烽火走征裾。滄浪
清淺遶故廬。扁舟何日狎樵漁。

對鏡嘆

少年對鏡顏色好。衰年對鏡顏色老。鏡裏容光能幾
時。回頭綠鬢成枯槁。開匣莫拂鏡上塵。鏡明空見白
頭早。亦知白頭不可黑。有時白頭不可得。窓前槿花
換朝榮。日暮臨風已無色。寄語少年速爲歡。他日歡
場徒惻惻。百金刀環明月輝。千金駿馬黃金勒。章臺
楊柳饒春風。醉來光動玉臺側。不見老翁空嘆息。

從軍行送同官之甘涼

紫駟蹀躞鳴紫陌。彎弓插羽甲光白。塞外駱駝吼長風。連雲大旆覆雙戟。威聲彷彿六月師。刻期徵發何赫赫。軍中偏裨亦嫖姚。健兒無不一當百。年來征討亦云頻。金城舊塞復黃塵。此去金城三千里。迢遞征人多苦辛。隴水潺潺隴雲飛。轅門雁過月無輝。馬上時聞琵琶曲。回首深閨淚滿衣。但願王師明逆順。電掃風行不血刃。蒲梢天馬盡西來。何勞投筆事行陣。

苦風

夏日無雨晝多風。風來几案塵半蒙。炎威赫爍當天中。火雲欲墮飛埃紅。閉門解衣首如蓬。揮汗無力心忡忡。得無否塞災為霖。執熱何地息微躬。震虢誰能卜所終。

偶興

豺狼蛇虎不在野。入耳舊良屬垣者。嚙脊自來集朱門。炯然垂戒有駟馬。人生百年福如羽。跣弗視地胡多誤。悠悠行路古稱難。不見葵能衛其足。

中秋早陰詩以紀之

一年好月在中秋。先看今朝好風日。雲垂大陸果奚由。埋沒晨星黑如漆。城郭森沉咫尺迷。時飄沙礫商飈疾。晦明造物本無常。惆悵良辰如有失。無端老翁驅羸馬。滿耳寒吹雜。鬢策魑魅鳴。嘯狐兔藏陰晴。憂虞何時畢。舉頭東望接扶桑。願見亭亭杲日出。尊中濁釀幸不空。坐待明月升天中。

同覺斯先生脣居坦公行屋諸年丈夜集玉調

宅覓醉紀事

秋夜雲飛星欲墮。挑燈拚醉忘爾我。白也無敵甫盡

神譚鋒驅使驚中坐。年來此會本非常。眼前聚散任茫茫。歌聲競發慨且慷。繁憂未許毒中腸。况復到耳雜笙簧。綺筵舞袖正郎當。叩門傾倒借壺觴。虎賁共對鬚眉蒼。雙眸何處辨青白。吾徒尚在長安陌。矍鑠密坐聞薌澤。寧必留髡獨送客。糟丘歲月等賢愚。千秋誰是文章伯。艸枯樹吼雁南來。桂華落盡菊華坼。只今踟躕不爲歡。扶桑曉日徒相迫。烽烟瀰望故園多。鬢雪催人奈老何。

塞馬行

昔聞天閑有神駿。追風踏鐵氣清峻。回牧攻駒各以時。孳成逸足散州郡。燕衍騎牝不得與。千載淳風邁魏晉。于今問里迴添愁。良驥多載綠林儔。間有存者近。還官民間不敢見。驂駟國門之外驚塵起。千匹萬匹過都市。問之知自塞上來。不施羈妙繼渡遼水。以此攻戰一敵萬。中原馳突如奔電。廟謨元不廢柔能。騰騰雲錦復堪羨。君不見周穆東回御八龍。徐戎立靖還。鄴官又不見漢武。出塞數萬強天山。勒石銘殊功。何時寇息休王師。歸向華陽棧。櫪空。

直史館獲觀宋元明列帝遺像

上下七百載。代有真人起。毫素寫須臾。祖禰逮孫子。宋業祥開夾馬營。朔漠雄圖亦百祀。濠泗仗劍飛龍翔。六合混一光前史。只今歲月共銷沉。猶識英風圖畫裏。徘徊瞻拜聳心神。每從開闢見絕軌。依稀日角對光儀。解使睥睨心盡死。其中升降亦瞭然。否泰循環如轉畧。誰云天意本難明。有開必先亂。治始俯仰解書紀。轉堪疑牛蛇。幻恠寧有此。舜目重瞳羽亦奇。神靈孕毓偶然爾。君不見前有典謨後周官。聖人可作。

通齋詩選
元一揆

騎驢行東丁野鶴

君莫小視長安驢。今日之驢昔日馬。試看當時俠邪
豪。玉驄誰是垂鞭者。間見繁纓依舊紅。蹀躞堪笑俊
衛假。由來不廢漢官儀。渥洼龍種馳中野。入市軒然
擁錦韉。衰年何必讓終賈。如君且與一頭驢。乘興卽
上。倦時下。

早雪行

燕京九月雪成陣。一夜朔風來何迅。落葉瑤華相間

飛。偏向老翁亂衰鬢。西山矗矗墮眼前。巖岫參差如
認。此日驅馬遂忘疲。歸來斗酒復獨進。皇天肅殺啓
陽和。莫令長安道有殢。

亂後行

時家兄思石及弟四鳳來顧京邸

亂後彌深骨肉心。愁多空見鬢霜侵。羈棲水署影亦
隻。客子時時淚滿襟。阿兄阿弟肯東來。蹇驢千里飽
塵埃。夜半常過豺虎窟。西風吹盡朔風催。舊京相對
復如夢。回首崩奔留餘痛。覓醉尚有掌中盃。潦倒誰
知貧與病。阿兄舊是金閨客。阿弟初到長安陌。崑崙

柱折滄海乾。鸞鳳鴟爭顏色。我已倦遊日。言歸燕
山雪。冷蕨不肥。菟裘遠寄。牟婁隈。種松十載。漸成圍。
來春兄弟坐其下。休看征鴻向北飛。

徙木行

突兀金臺俯。漭沆峨峨雙闕撐雲上。何來道傍十抱
文杞梓。榱桷卧宿莽。依稀未滅金碧輝。棟厦當年亦
蕭爽。瓦解塵飛指顧間。寂寞江干牽百丈。直抵燕山
汗萬牛。徘徊匠石恣玄賞。自古材大不易求。應費千
年雨露養。閱盡典衰春復秋。仍趨閭闔依天仗。嘗聞

露盤辭長安。仙人有淚傷。今曩眼前豐屋任變遷。神
鬼効靈豈情恍。作法於涼。將在茲。回首瓊瑤空悵惘。

烽火

寒風入臘已六日。庭前新月白如霜。老大易傷旅况
難挑燈。獨坐影彷徨。殺氣中宵干象緯。駱駝日出軍
聲沸。王師自古貴伐謀。甘泉烽火何曾諱。

苦寒

北地風高冰易結。歲殘况是苦寒月。飄泊塘坳剩微
雪。大道塵飛行人絕。夜半攬轡指欲折。凍雲慘澹角

聲咽廿年客夢餘。蕭屑怕見旌旗影。未滅霜前毳幕。
依雙闕。啼鳥不下。乘乾竭。嘆息乾坤尚流血。

春雪行和坦公

東風無力朔風急。樹吼霰飛聲淅淅。日昏目炫漲水。
華青門柳重炊煙濕。荒郊烏啼益苦饑。黃狐晝印空。
城迹。屈指幾日是花朝。片片如掌寒威逼。半夜角聲。
咽。浪清馬上征人抱戈泣。西山矗矗澹暮雲。哀壑光。
靜。狼烽直。天涯春色散五花。白髮老翁雪中立。

古窰行

前朝都市貝燁煜。鄭重古窰難經目。柴碧定白舊多。
名。宣。永。成。嘉。邇。相。續。好。事。不。惜。擲。黃。金。翡。翠。爲。文。叩。
哀玉。前年入眼不值錢。案上家家多侶簇。鳳舞龍騫。
盡等閒烹魚肥。其恣饜腹。流轉新來亦漸稀。爭奇鬪。
異復徵逐。誰憶陶人肇造難。空令貴賤隨陵谷。我聞。
上古重汗罇。于今儉德如常存。安得籩簋頓還淳。相。
看瓦缶等璵璠。

河無梁行

瀾瀾河中水。翼翼河上梁。梁折高斥傾。徒旅苦相望。

南轅盡徘徊。北轅亦不于。水底有天吳。鱗鬣不可觸。
我聞精衛海可填。何爲目前變陵谷。陵谷變遷咫尺。
間對此空歌行路難。黑霧連雲霾大陸。驚濤東下正。
漫漫。何時壯士斬蛟龍。拔劍入水去。復還長虹天。矯。
安如山。

窓蕉偶花一時詩人多咏之亦爲短歌領衰年

物色

年年庭下種芭蕉。今歲當軒破蕉萼。夏日清陰正卷。
舒綠莖。屈曲穿雲幕。初解數籜露偏甘。匪華匪實虬。

相錯。層層金粟散。曉風淡黃輕碧扶。綽約我聞冀茨。
日一抽。此亦片片自開落。似爲花開元不常。鄭重幽。
姿傲丹蘄。却笑春時桃李榮。繁華轉眼成蕭索。新秋。
蝴蝶亂花光。閱盡涼飈與炎熇。老夫廿載客長安。花。
底壺觴頗不惡。撐簷舞袂闔蹕蹀。復有醍醐敵大藥。
突兀孤根量不移。欹風沐雨漸離披。明年仍聽窓前。
響。坐待瑤華向客垂。

張幼量古劍

霜毛鋒鬪。葵色班班。猶凝鸚鵡膏。出鞘當軒秋。日晏。

君子佩之辟不祥。晶英可望不可即。何爲夔伏踰千
年。剽蛟截兕自寶賚。沉沙入土不能蝕。雌雄飛景恣
拂拭。神物仍待張華識。

秋日過後湖

都城之北近西偏。湖波蕩漾來玉泉。泉清波靜買雙
闕。曲岸參差臺榭連。貴戚王侯爭卜宅。笙歌車馬舊
年年。過眼繁華近銷歇。湖中蓮葉尚堪擷。去歲亭臺
非往時。那知今歲益摧折。斥上頽垣雜宿莽。藕花菱
蔓自生長。採摘闌珊泥半淤。何日蘭舟復蕩槳。萬物

盛衰信有時。極目烟波增悵惘。我聞古有昆明池。曲
江風物亦逶迤。俯仰千秋盡轉瞬。見此多情空淚垂。
秋水茫茫浸闕影。沿堤落葉蕭蕭冷。西風吹雨帶邊
聲。鳴笳漸動波光冥。

秋蚊

秋日雨餘留殘暑。聚聲如雷尚多侶。花底夕觴不能
終。疎綵薄紈畏利距。凡物毒螫各挾長。爾獨恃喙不
易禦。白晝藏形夜避風。偏向燈前詡輕舉。入簾穿幕
肆噬吞。吁嗟屬屨纔幾許。微生逐逐本多勞。鍾戾傷

○可○戒○
和無細巨轉眼清霜將殺汝

老馬行

衰年見馬輒色變。攬轡通達心膽戰。今春有馬蹄如
鐵。驚風噴沫疑奔電。幾度傾跌委塵埃。伏枕常煩友
生言。一朝棄去得老馬。安心騎出上復下。趨朝入市
盡從容。久塞喧闐同中野。乘時競捷力不能。識路服
勤亦云寡。近來戰士重驂騮。過眼不顧更無憂。我願
長騎揖公侯。障泥拂地金絡頭。芳郊首蓓無人種。粟
貴官貧偏蹭蹬。

過行屋桴菴題覺斯先生畫壁

秘苑音觀不常有。誰遣桴菴煩名手。眼中突兀添層
巒。欹枒欽崆撐戶牖。虛明雲氣疑往來。寒泉迸落沾
林藪。林深寂歷聽無聲。杳冥似有龍蛇走。稍向平行
結茅屋。百頃澄潭萬竿竹。蕭然相對絕塵埃。彷彿置
身太行麓。危峯幾處儼飛來。欲覓丹梯窮厓谷。主人
指點說畫時。意匠經營神且速。先生妙筆世間稀。寸
腕時帶電光飛。六書八法掩古人。圖繪能事復入微。
想見胸中富丘壑。興來磅礴一解衣。先生近自號十

樵○揮○毫○應○憶○舊○巖○扉

隴鳥吟

隴○上○有○鳥○丹○喙○翠○襟○拘○持○轉○徙○樵○悴○靡○任○關○山○迢○遞
雲○霧○深○回○首○哀○鳴○憶○故○林○反○不○如○道○上○蓬○無○情○飄○蕩
逐○寒○風○蓄○愁○思○娛○朱○門○雖○有○雕○籠○所○願○弗○存○愧○爾○簷
雀○飲○啄○飛○翻

薪車行

吾○聞○古○者○甸○服○百○里○賦○納○總○今○之○薪○車○無○乃○是○麟○麟
記事不苟真詩史也
喧○虺○塞○通○衢○非○復○當○年○襁○褓○子○百○年○溝○洫○半○荒○榛○磽

确○棄○置○莫○與○理○膏○腴○刈○獲○薦○稻○梁○載○向○都○城○驚○塵○起
雜○以○灌○木○每○專○車○車○上○牧○豎○解○仗○箠○朝○朝○敲○擊○青○門
道○嘆○息○聚○觀○多○遺○老○始○知○勝○筭○合○兵○農○不○負○西○成○貴
萬○寶○不○見○郡○縣○苦○揭○竿○幾○人○望○歲○一○飽○難○安○得○盡○同
四○輔○安○如○磐○大○車○小○車○自○輸○官

號虎行

巖○壑○林○莽○足○號○虎○弱○肉○靡○敢○與○儔○伍○公○然○交○跡○獨○其
人○不○悟○阡○陌○有○穿○罟○文○質○炳○煥○竟○徒○然○殺○機○自○邇○何
足○數○虎○兮○虎○兮○願○爾○無○恃○爪○牙○以○為○武○斂○暴○戢○饕○豈

惟長熊羆狎兕象。直可並儀庭而率舞。帝德好生各有字。

冬夜留玉尺葱佩龍袞清熙共聽箏歌漫賦

長安十月樹殞霜。傳觴雜坐燭流光。坐有繁絃迸銀甲。當盃一曲亂中腸。百年聚散皆如夢。此夕歡娛憑誰送。主人白髮客紅顏。醉後矍鑠忽伯仲。復聽清歌間緩拍。疎簾輕度渾不隔。彷彿薌澤倚羅綺。興來何惜歌傲憤。君不見窓前昨日燦黃花。朝來落葉散啼鴉。燕市久無漸離筑。空原短堞走荒沙。吳歛未罷秦

聲發。朔風吹斷五陵笳。婆娑莫更憶天涯。

恒山酒行為傅掌雷賦

時向恒山憶舊遊。太和春酒傲青州。青州空傳從事好。千日遺方更可寶。既清且旨色若無。十千一斗恣傾倒。別來風味尚依稀。停盃虛走長安道。長安酒家飾門楣。朱簾畫閣臨通達。處處金榜爭耀日。金盤露杏總堪疑。今宵筵前供斟酌。蘭芬浮蟻動簾幕。驚問知自恒山來。千里壺觴慰索寞。主人家世傳環堵。山公高致陶爲侶。釀成琬液貯滿鬢。遙寄玉堂伴古處。

愛客不惜金叵羅。兩腋風生欲輕舉。老翁半醉影婆娑。歎息今昔向誰語。人生聚散苦難期。獨對青罇成爾汝。我亦有田堪種黍。歲歲荒榛置何許。

胡菊潭惠薛濤箋賦答

尋常敘述便有許多感慨

回首十年前曾覩鸞箋好。篋中猶有乞箋詩。俯仰今昔思如禱。此日惠箋又一時。錦江春色傳烽老。薛枝書在何許拂拭光華動。菟府披向案頭見。古人銀鈎未就靡敢侮。裝潢仍叩子雲廬。借領玄文傲石鼓。

夜雨行

晚風昨日吹寒圃。濕雲欲墮翳環堵。微涼颯颯薄客衣。落蕊全依苔砌古。風悄雲低夜半沉。併向秋牕作秋雨。溜簷灑砌何紛紛。清宵浙瀝如可數。杭州多竹復多松。晴時夜夜雜天風。况挾雨聲撼空署。竹籟松濤秋夜中。客思忽來驅不去。故園黍熟糟床注。聽雨細酌剪燈花。髮長黑絲領失素。南天只益波浪深。波翻浪急龍蛇驚。亦聞烟雨靄湖光。冥杳尚隔庭前樹。樹老風高中。夜呼攬衣欹枕憶良圖。髮垂到耳非故吾。長繩無術白日徂。江南氣肅等邊隅。夜雨秋聲無

處無人生作客胡爲乎

送桂

春日見花惜花落。秋花落日倍蕭索。簷前桂發開向盡。尚接餘香在簾幙。自是寒吹獨立難。江天風急雨闌珊。籬邊剩有黃金蕊。仍作天香月窟看。

雙栢行

栢在浙江關中

籬黃漸老菊如客。雙樹亭亭剩古栢。雨後陰森金覆窓。雲開撐破長空碧。離立相持不相下。虬枝偃蹇似垂翮。葛蘿何處施板援。盤根突踞地應坼。凌霜艷雪

歲寒委百卉。空傷不及格。聞道此中舊桂林。常散天香襲遠陌。一從桂樹摧作薪。歷落獨存影亦隻。驚風撼雨自年年。晚翠疑流猶堪摘。我來秋暮領涼颼。坐隅咫尺朝復夕。老眼看花每不真。見此孤標有餘適。杜陵何事苦咨嗟。才大難用終懷璧。只今相對轉忘言。黛色參天二千尺。

越五日再苦風

雲不爲雨風常惡。大道眼瞇難著脚。紀日維五候未。嘗其如助魃空肆虐。簸蕩號呼逃所從。朱夏枯槁生

意窮天山驚撼折危峰。波翻瀚海亂魚龍。誰扶曦轂
駕穹窿。疏通否塞來時風。噓吸元氣商與宮。安可得。

憂旱

聞道自京南千里。盛夏赤地剝荆杞。都城生齒半嗷
嗷。朝平米價夕頓起。豈無萬艘發東南。烽烟未息行
且止。我亦索米仰官倉。待哺兩月持片紙。獨有大賈
擁京坻。翻笑窮年襜褕子。盈虛自古苦難均。推移補
爇賴玉仁。桑林六事感何神。千郊禾黍油油新。重復
安得見千郊禾黍油油新。

古杯行爲孫北海賦

北海齋中鮮長物。鼎彝圖繪偏森鬱。耳中舊聞米家
船。探竒嗜古差髣髴。春日一尊開東閣。烏皮几淨垂
簾幕。摩娑不厭更僕勞。靜氣全清緇埃惡。最後復啓
秘密藏。乾黃深碧叩琳瑯。羊羔桑落發異香。虬螭丹
汞失光芒。別有一卮殷紅色。玻璃珊瑚况不得。青楓
入地踰千年。製成仍置金盃側。何時剗地出人間。幾
度碧胡嘆難識。舉觴引滿醉何辭。謾說連城與萬億。
願言護持防風雨。爭奪恐觸蛟龍怒。興來中聖對古

人注玉傾銀盡如土

飲脣居舊館

宣武門外森竹樹。澄波一曲界官路。前年卜築有故人。斗酒招邀曾屢赴。今年春日怕看花。時過門前不忍顧。筵開勝地此重來。壁上舊題尚無數。王新客舊醉還疑海鷺尋巢春已暮。與亾自古隙中駒。眼底繁華等寄寓。為囑歌聲更莫停。西山頽日隱雲屏。悲笳哀角動遠垆。今昔俯仰淚空零。

種蕉

去歲種蕉放蕉花。今歲種蕉抽蕉葉。蕉花含露葉鳴雨。他鄉易使鄉心怯。豈不仍與敷瑤華。物理盛衰如轉睫。北土風高苦早寒。猶記開花半卽殘。生意天鬱良足歎。產非其地誰與殫。吁嗟不如任卷舒。候至則藏尚留餘。百卉爭艷隨朝槿。青青不厭上窓虛。

畜魚

盆中文魚共十頭。舊有其六新益四。目前近玩寄尺波。掉尾揚鬣寧有異。此種元不育江湖。遊泳陂池卽得地。吁嗟彩色負微長。臨淵起羨來市肆。連日殷雷

龍作雲噴江吸海雄且恣下視爾魚待澤瓦盎中未
忘芳餌何所為

秋荷杯行贈房海客先生

先生自號海上客手持一杯恣浮白此杯匪石亦非
金叩之無聲黝其色擊雨搖風霜不凋仿佛曾植寒
塘側大不盈掬受乃多寧問一斗與一石回首長安
五十年惟有此杯仍朝夕不知采琢自何時疑有鬼
神闕繩尺却笑太華峰頭蓮藕花十丈不及格吾家
東與蓬閣隣仙人手種應難識斗室摩娑眼偏青玄

髮朱顏照深碧字曰秋荷敵碧筒醉中靜閱緇塵陌

初春同李筠圃林可任梁喈林薛行屋飲劉湛

陸高齋漫為短歌

樽前時見燭影直聲咽愁多酒無力今日開樽頗不
同淺爐密座圍春風入門未暇道寒溫往復肝鬲真
意存興至千秋供驅使少陵太白如可起雜以棒喝
復稗官長安反覆那有此不必杜康與白墮素髮黑
絲生中坐勾漏丹砂隔碧雲只此紅顏猶故我更酌
開簾樞短襦去年新月照庭隅天長漏促樂難極徘徊

徊且為立斯須立久獨覺影婆娑風塵滿眼箭正多
憂從中來奈若何海國雲山空嗟峨笳吹動地鴈難
過出門上馬淚如波

李筠圃招飲卽事

白日青春照顏色舉頭萬感集胸臆十年載筆尚吾
徒袖手眾中審語默忽向筵前覓舊歡新筵屢覆鶴
觴亟掀髯角戶似當年亦許狂歌舒片刻坐久無端
何事至此
魂復傷燈明漏永獨惻惻溜青千里正傳烽家在海
邊書未得况聞薄蝕助欒槍天問靡從空太息古有

雖雉與祥桑自知災祲不勝德願見捷騎達承明斗
酒重呼失啾啾

偶興二首

五十年多難悠悠又四春鬢霜秋入早鄉夢病來頻
撥悶書無力支貧甌有塵故人時慰藉得醉卽開身

其二

道齋詩選卷之二終能安簪筆還吾事盤盞愧大官

進齋詩選卷之二
蘇獨覺影婆娑風塵滿眼箭正多
憂從中來奈若何海國雲山空嗚嗚
過出門上馬淚如波

李筠固招飲即事

白日青春照顏色舉頭萬感集胸臆
十年載筆尚青
酒重平。尖烟唧唧
華與新桑自映災歎不期漸覺具對鴻與承用
年亦詩在飲舒片刻主父無窮

進齋詩選卷之三

北海安丘劉正宗可宗父著

安成門人王辰天樞父選

五言律

偶興二首

五十年多難悠悠又四春
鬢霜秋入早鄉夢病來頻
撥悶書無力支貧甌有塵
故人時慰藉得醉即閒身

其二

崩奔今幸息衰謝向能安
簪筆還吾事盤殮愧大官

授衣新客邸○鞭血舊神州○抱甕猶堪做○何時慰白頭○
有感

自嘆虞翻骨○蠹魚二十春○干戈雙鬢改○韎韐兩眸新○
今古還天地○風雲付掖紳○吾衰仍許醉○豈敢厭官貧○

梁眉居園二首

入門添野興○竹樹共秋光○拂面涼生座○依窓綠出牆○
鏡湖魂夢裏○韋曲水雲傍○幾許滄桑意○相看劇可忘○

其二

幾度同遊屐○相過復舊京○深盃酬往事○別館倚高城○

波潤魚梁濕○雲歸鶴徑晴○莫言休沐少○日夕領餘清○

霧行入署

驅馬蒼茫裏○聞聲破曉雲○廢墟狐兔迹○複道駱駝羣○
磚影應難辨○堦籌只自分○玉芝松柏老○猶爲護玄文○

正月晦日二首

着眼年光換○初逢晦日來○恰當殘雪盡○益覺惠風催○
身世還驚電○興亡付劫灰○垂垂堤柳暖○春信不煩猜○

其二

馬足同春急○金門日一過○御溝漸久斷○上苑葢應多○

種種空憐髮。茫茫未止戈。天心知有在。好共領陽和。
二月十五大風苦寒二首

花朝猶此日。凌薄奪天工。壠失初回綠。岩摧未綻紅。
浮生還馬上。冰署正愁中。却憶金錢會。尋春御苑東。

其二

海國蒼茫近。奔雲凍不還。斷澌通朔氣。獨鳥下西山。
騷屑深盃裏。低回落照間。陽和應有候。鄉夢幾時刪。

初夏遣興

偶然關小徑。花影信風疎。晒藥驚衰劇。疏畦及雨初。

盤殮官爲減。遊興夢堪舒。莫嘆馮唐老。金門許曳裾。

獨坐

風過三徑寂。香散一簾疎。鳥語知人意。花光似艸廬。
書殘時近枕。髮少久閒梳。穴蟻休相鬪。迎眸半子虛。

偶得佳酒留實菴共酌三首

紀閨仍初夏。開尊得故人。清陰庭樹合。客况塵談新。
聚散還疑夢。浮沉未憶葦。流霞餘片片。斟酌莫辭頻。

其二

把袂金陵後。悲歡幾度更。年華留短鬢。踪跡任浮萍。

江國新酣戰。天山舊勒盟。吾徒原可醉。遮莫老鶯聲。

其三

賴此尊中物。遂成爛熳歌。紛紜看世態。衰謝夢漁蓑。
敝帙當窓近。薰風入樹多。楚弓何處問。清興一婆娑。

日永

斗室容孤嘯。驚風傍戶過。閒雲歸遠岫。饑鳥啄荒莎。
尚白官堪老。安貧術匪他。周旋寧作我。何地閱巖阿。

飲劉玉孺池亭

此中不受暑。香散芰荷風。樹挹澄波綠。霞開夕照紅。

客懷同澹蕩。山意剩鴻濛。翻覺言歸易。人生信轉蓬。

霽

炎蒸銷積雨。午牖霽光浮。山色依雲近。蟬聲入樹幽。
懷新詩送日。客久病容愁。欲問無生理。蕭疎鬢已秋。

立秋日成青壇高。葱佩周寧章。王敬哉諸館丈。

邀飲汪園二首

卜日同人集。迎秋一徑開。學山成洞壑。出樹得樓臺。
爽氣非關雨。閒情任舉杯。探幽初命屐。詎忍破莓苔。

其二

位置存幽意○飛虹跨綠波○虛明排綺疏○杳靄接巖阿○
潑墨看前輩○流觴憶永和○誰云居近市○清興傲漁簑○

飲張百嶼宅二首

急管催長晝○深杯對夕陽○興來酬此日○節換覺他鄉○
沐雨花光濕○歆風竹影涼○塞翁齊得喪○遮莫鬢成霜○

其二

蘿薜宜初服○相看意自憐○生涯仍馬足○魂夢尚烽烟○
世態疑蒼狗○秋聲到暮蟬○一觴聊可借○那復惜陶然○

初度日述懷兼寄家兄四首

此日年年過○新來異舊時○霜垂餘到耳○藥久漸侵脾○
樗櫟生涯拙○玄黃世事疑○小山猶有桂○空發向人枝○

其二

衰容何太劇○起坐有筇攜○幸過龍蛇歲○仍驚燕雀棲○
蛩聲寒更力○蝶夢老全迷○濩落宜疎放○千秋憶阮嵇○

其三

稚子同為客○相看眼亦青○衣裳催潦倒○才力讓精靈○
秋實分窓樹○寒花借遠汀○慚無勾漏分○好為斲松苓○

其四

雁陣排空去。相將避塞寒。幾年徒羨爾。異地若為歡。
覓醉壺觴懶。哀昔歲月殘。寄言休悵望。旅况剩平安。

八月初九對月

已^妙是中秋月。何須望日圓。氣清添葉露。魄靜冷炊烟。
漸皎甘依晦。先虧忌用全。不妨砧杵發。堅坐待中天。

送家兄後悵然有懷

衰年兄與弟。此別覺息息。把袂天低日。登車歲暮風。
家園新戰後。魂夢舊愁中。頗恠桑乾水。同時遽向東。

久日四首

頓覺玄冬駛。盆梅又半舒。撥爐安旅况。扶老借方書。
午日暄堦影。戎衣靜珮琚。傳烽真似息。鄉信不妨疎。

張治孫字古傳。或子受。張子社。山空自多。門憶放歌。

畫漏晴猶短。風簾暖乍開。物華方待雪。客慮已同灰。
生事還塵甌。詩情欲放梅。不煩驚剝啄。門徑等蒿萊。

其四

雁陣排空去。相將避塞寒。幾年徒美爾。異地若爲歡。
覓醉壺觴懶。哀肯歲月殘。寄言休悵望。旅况剩平安。

八月初九對月

已○是○中○秋○月○何○須○望○日○圓○氣○清○添○葉○露○魄○靜○冷○炊○烟○
漸○皎○其○依○晦○先○虧○忌○用○全○不○妨○砧○杵○發○堅○坐○待○中○天○

送家兄後悵然有懷

衰年兄與弟。此別覺息息。把袂天低日。登車歲暮風。
家園新戰後。魂夢舊愁中。頗恠桑乾水。同時遽向東。

夕日四首

頓覺玄冬駛。盆梅又半舒。撥爐安旅况。扶老借方書。
午日暄堦影。戎衣靜珮琚。傳烽真似息。鄉信不妨疎。

其二

衝寒疲馬足。炙背趁風和。簪紱曾何補。關山空自多。
深盃狂不厭。衰髻短宜皤。悵望仍千里。柴門憶放歌。

其三

晝漏晴猶短。風簾暖乍開。物華方待雪。客慮已同灰。
生事還塵甑。詩情欲放梅。不煩驚剝啄。門徑等蒿萊。

其四

筋力閒中減其如歸計違啼鳥依樹急落日傍簷微
兒嬾寬書課囊空信僕饑興來援秃筆寂寞愧忘機

雨

客舍蕭蕭雨當春益曉寒隨風偏濕樹濡艸半侵欄
雪盡圓沙淨波生宿霧殘天涯歸思劇懷抱若爲寬

春盡二首

流光驚鳥過春盡尚寒威荒磧遲回雁巖城剩鐵衣
萍踪相顧老蝶夢自疑非花下添雙淚風餘片片飛

其二

舊塞黃塵滿三春競羽書孤兒可感仍士伍華路亦戎車
麥壠看翻浪蔬畦憶荷鋤不材宜濩落樗散復誰如

酬趙韞退題小築二首

卜築驚三載當軒益高人一亭古槐侵瓦綠驟雨送苔青
自憶壺中訣誰勞物外形嚶鳴元不厭華髮任星星

其二

幽事存三徑花畦每自鋤日昏書債減齒過宦情疎
驚隼高雲外啼鳥客夢餘問奇吾何有寂寞野人居

聞笙

斷續如無意。悠揚散暮愁。清隨玄鶴遠。靜傍古巖幽。
○沉○字○妙○ ○過○字○妙○
入夜沉蕉雨。因風過竹樓。緜山今在望。何地復丹丘。

東望

數旬鄉信杳。東望客思繁。積雨疑禾黍。稱戈休夢魂。
○刺○字○妙○
穿雲餘旅雁。號木剩窮猿。搖落秋偏早。庭空獨樹翻。

秋日九咏倣初唐體

秋風

九咏大雅逼真初唐而奇句匠心則初唐未有也

忽改南薰候。涼颺到客衣。入桐催墜葉。吹月暈寒輝。
○吹○月○奇○
塞馬嘶初動。征鴻影背飛。鱸尊難可覓。翹首願多違。

秋雲

出岫迎新爽。浮空片片多。曙遲涵玉露。宵靜澹銀河。
○妙○
楓老霞添暮。磯寒霧隱簑。卷舒應有意。幻影竟如何。

秋蟬

奮翼炎蒸裏。孤唳搖落中。清姿仍飽露。急響尚驚風。
陌上甘衰柳。樓頭戀晚桐。無勞羞抱葉。候至共霜空。

秋露

金盤知己杳。應節夜能溥。莎徑涼逾白。松岩曙未乾。
○妙○
珠翻荷蓋老。香潤菊籬寒。涓滴皆天澤。為霜幸斲寬。
○妙○

秋月

京宵看桂魄。客思滿天涯。圓缺何曾異。淒清乃共嗟。
夢回驚古戍。影靜快悲笳。莫聽關山曲。蕭疎鬢已華。

秋水

積雨催流火。西風逐浪生。長川千頃碧。曲沼一泓清。
疎柳脣臨鏡。驚鷗甲動鯨。乘槎成往事。嘆逝有餘情。

秋螢

熠熠驚寒牖。疎螢散晚叢。爭輝穿露葉。帶熠候霜風。
度渚星涵碧。依簾燭漏紅。微光羞未晦。飄轉九秋中。

秋菊

三徑仍餘菊。西風破萼時。托根元不異。應候自安遲。
雜珮香能襲。飡英露已滋。忘言堪滿把。何物比相思。

秋雁

天山飛雪早。雁陣始南征。奮渚翻蘆影。驚霜背月明。
歸期甘隔歲。旅况怯孤鳴。得達封書否。因風字欲橫。

落葉

秋氣入庭際。紛紛傍砌多。去來迷定處。榮瘁變寒柯。
鳥跡逢苔滅。蟬聲向日和。獨憐窓外竹。窸窣覆烟蘿。

華嚴庵逢蜀僧

寺古松陰寂僧來川路遥年深方語換家遠業緣消
實相融人我囂塵隔市朝逃禪餘勝地不擬費招邀

答家書日憶為家兄初度四韻奉寄

天涯猶此日望遠自潜然書到殘烽裏人疑去雁邊
寒花應獨馥濁釀共誰傳賴有東園竹千竿拂曙烟

步坦公飲萸露韻

獨花廿歲晚零露葉初疎乳水元無相色香不碍虛
卷舒隨節換斟酌倩誰儲疑待談玄塵因風散做廬

安東舟中

不知秋色蚤凉意起汀洲獨樹迎空棹閒雲亂暮愁
往來三歲數聚散幾人留真愧繁霜髻蕭蕭古渡頭

姑蘇雨泊三首

停船知亦好猶是古蘇州小市皆依水青山盡倚樓
未驚衣履異應許管絃留一雨秋偏蚤翻憐憶故丘

其二

當日逢傳檄閭門水未波隔湖漁火競夾岸柝聲多
白髮經時換清秋載雨過居人雜瓦礫耳畔尚橫戈

其三

風物依稀是豪華亦半凋驚心豺虎近入夢芟荷遙
估客吳江縣烽烟寶帶橋只疑今夜月雨霽照通宵
署中候試期東杜掌科純一二首

把袂經時久分曹意若何書來同悵惘病去竟蹉跎
鳥語炊前少松聲雨後多併將搖落恨衰影付婆娑

其二

豈謂乘輅至翻成閉戶來竹窓聊可啓松徑不煩開
漸覺方言熟其如遊興灰授衣兼索米容易客懷摧

晏坐

秋光凝使署晏坐倍蕭條網樹蛛偏冷狎人鼠自驕
感時悲往事續夢怯清宵聞道江潮穩何當送客舫

署夜

不寐仍秋夜牕虛烟自明柝聲因靜急蛩語帶寒清
地坼波浮島天高月照城邯鄲猶在夢支枕幾回驚

十六夜行屋席上

主人存樂事火樹近簾生解使衰年健能令舊感平
月華天不夜燈燼雪仍明連袂歸何晚飛埃靜鳳城

虎橋二首

牢騷酬客夢。驅馬虎橋東。入夜燈微燼。依簾火競紅。龍蛇前輩蹟。梅柳蚤春風。未信年華改。當鑪意不窮。

其二

五陵豪俠路。乘興亦能過。自抱文園癖。誰矜子夜歌。繁星當戶墮。短髮近燈皤。櫪馬喧殘漏。無妨理佩珂。

陳實菴書來兼示登文游臺詩寄答二律

余時任虎

坊橋西

書自毘陵至。相思動客心。詩情留竹嶼。展齒剩楓林。

京洛人先老。江湖興易深。無緣酬契濶。却寄白頭吟。

其二

昔年重把臂。燕市憶金陵。南北緣靡定。衰遲夢轉增。扁舟瀟渚月。羸馬虎橋冰。空羨文游好。臺高只獨登。

送僧歸潛江

此僧先自彭澤至京

卓錫京華後。因風返故菴。笠餘彭澤月。門背石城嵐。貝葉翻常剎。閒雲味自諳。歸仍無住着。寂寞老瞿曇。

宵吟

蚤春晴夜月。漏靜入窓幽。候改衾先覺。歸難夢易求。

道齋詩選
竹樓千樹影。漁艇一溪流。花塢年年發。宵唸掉白頭。

酬覺斯先生過飲道齋言別惠詩

朴畧通齋具。君來道味宜。門閒禮客少。樹老午陰遲。妙
脫帽支新暑。因風憶舊菑。似憐分去任。投贈慰心期。

其二

獨惜分攜易。誰云道路難。秦關多古驛。蜀水足回灘。可○嘆
識面人何晚。揮毫斗亦寒。晴嶽山自好。未許滯歸鞍。

送謝苧蘿歸里二首

京塵同幾載。歸去見君賢。谿谷存人面。烟蘿澹世緣。許○可○鄭○重

髯枯足國後。樽滿落花前。料得相思處。因風一愴然。

其二

老成今去國。初服杳難攀。得失緣如馬。行藏道似環。
漯河秋瀨碧。岱麓暮雲閒。不盡蒼生意。仍期謝傅還。

雨中二首

夏雨隨雲至。微涼入竹扉。時容書送懶。未覺夢懷歸。妙
竈濕炊隣火。簾疎散晝暉。不勞驚剝啄。剩客到門稀。

聞家兄為理別業却寄二首

聞道東山墅。新添北舍椽。幾家依綠樹。一帶俯清川。

莫厭茅茨小。偏憐竹塢全。索綯今日事。歸計定何年。

其二

猶憶西齋好。開窓覲面山。驅馳憐我老。領畧賴君閒。
桃李春三月。蒹葭水一灣。他時仍共醉。應耐鬢毛斑。

杜門二首

彌嘆衰容劇。長天自杜門。樹深猶客舍。花發亦閒園。
掠水蜻蜓寂。穿雲鵬鶚喧。升沉看物理。不敢避蒸煩。

其二

幾日無鄉使。愁來鬢益斑。有年烽火滅。多病酒杯閒。

海上關山路。長安客子顏。科頭揮敗羽。望斷蓼花灣。

聽泉

何處泉聲出。空山氣似秋。每逢急峽競。時落斷崖幽。
盡日塵如洗。無風韻自流。濯纓隨意好。不必問滄洲。

和党于姜先生意先山八詠

回矚嶺

何處餘清眺。回頭入亂峯。晴嵐侵別墅。遠水度疎鐘。
日落紛投鳥。松孤自掛龍。山靈如有待。樵徑正雲封。

冷然臺

古臺隣鳳女。此地亦憑虛。曉日千巖競。秋風萬木疎。
○高○絕○孤懷扶杖屨。清夢謝簪裾。料得登臨處。惟應讀道書。

長虹渡

虛危靈境裏。飲澗一虹長。○妙○鹿跡留朝雨。樵聲下夕陽。
穿雲迷翠嶂。倒影入滄浪。自有天台勝。何須問石梁。

空心潭

○可○舉○似○其○人○空心潭水靜。萬古影悠悠。世外遺清境。塵中浪白頭。
狎鷗隨渚遠。洗耳傍岩幽。似得滄洲意。蕭蕭六月秋。

縱雲壑

隴外萬重山。雲生大壑間。時看初起處。○妙○句○自○然○片石意同閒。
疑共朝霞舉。仍攜暮雨還。卷舒無定所。終日覆潺湲。

尺五樓

去天曾幾許。岩畔結飛霞。自得神仙好。誰浮銀漢槎。
盤空孤鶴近。過雨片雲遮。太白千年雪。蒼茫到碧紗。

堯玄洞

薜荔垂丹洞。天然見化工。烟霞原世外。日月似壺中。
○妙○白鹿行多侶。青牛路自通。仇池仍咫尺。莫更覓方瞳。

溪外鐘

石雞鳴未已。隔岸復鐘聲。萬籟同秋寂。孤筇對月明。
人天歸勝地。雲木澹幽情。惟有寒溪水。潺潺響共清。

辛卯生日

長安重作客。五度過茲辰。短鬢新添雪。緇衣舊染塵。
無管安老懶。有夢媿鱸尊。細把尊中物。開窓對綠筠。

宿楊柳青

青青楊柳岸。茲地舊為名。亂後人初集。霜前杵自鳴。
繁星隨櫓定。遠浪入雲平。搖落橋邊色。空傷旅客情。

滄洲道中二首

急景下寒流。危檣古渡頭。斷崖同鳥逝。細浪入簾幽。
破夢隣舟櫓。銷愁野市莠。海天應咫尺。何地復神州。

其二

平野秋光澹。輕帆曉日中。戍荒存敗壁。岸缺引長風。
流坎知如此。浮沉媿未工。王程摧客鬢。蕭瑟一時同。

舟中午坐

愁臥禁秋氣。閒嗟午坐時。年衰為樂減。風逆進舟遲。
滄滄魚吹浪。茫茫艸動陂。天邊搖落意。搔首計歸期。

客况

已作西征計。其如客况何。斥荒烟突少。野曠遠風多。
水鳥當人立。晴雲逐雁過。一杯堪自覆。清夢媿漁簑。

雨泊

冬夜蕭蕭雨。河干到竹扉。傳聲沉遠柝。霑濕薄疎帷。
暗鼓潛魚出。寒催饑鶻歸。明朝遲解纜。愁絕對漁磯。

晨雪

片片舟前雪。初東應候明。微霑帆影重。亂入浪花輕。
客思當杯減。寒威觸日盈。晴光應有待。濡滯此時情。

靈寶道中

勞勞嗟遠役。驅馬近秦分。河曲常臨斥。山多似礙雲。

野烟生古戍。饑鳥過荒濱。短鬢同霜冷。蕭條日復曛。

謁西嶽廟

竟。是初唐。

中有古樹甚奇。傳為老子青牛所化。又唐玄宗八分碑。燬于亂。僅數字存。

未。陟。蓮。花。嶠。先。瞻。白。帝。宮。際。天。澄。灝。氣。拔。地。識。玄。工。
樹。老。青。牛。立。碑。殘。劫。火。紅。無。窮。馮。弔。意。矯。首。對。長。空。

萬歲樓望太華

安得窮幽勝。高馮白帝居。古祠留漢蹟。沃野遡秦餘。
隴外浮雲盡。關中落木疎。裴回瞻眺處。一杖響空虛。

驪山

翠嶽蒼松老。離宮古廟偏。西周烽火裏。天寶舞衣前。
未覺登臨倦。空傷歲月遷。清池疑玉液。濯魄自堪憐。

入棧二首

驅車緣古棧。冬日正含凄。石齒清霜瘦。嵐光午照低。
斷厓驚虎踞。落木慘烏啼。惟有探幽興。無妨翠嶂迷。

其二

穿雲攀曲磴。徒旅各相求。谷轉危峯立。風鳴敗葉稠。
枯楂當缺岸。亂石咽寒流。暝色何來速。茫茫動客愁。

秦嶺

鳥道窮千仞。天開豁遠眸。暮霞連岫紫。亂木抱岩幽。
幾曲危盤石。三冬使者裘。山房今夜好。圓魄正當頭。

宿東河橋

東河成一宿。僕隸共雲棲。月皎林逾靜。峯環路已迷。
插籬知近虎。秣馬欲驚麕。鄉夢三千里。何勞五夜雞。

黃牛舖小憩

蒼山行百里。徑轉入黃牛。爨簡人初屋。林藏鳥不愁。
依雲留竅井。傍麓闢荒疇。獨有征途客。勞勞去未休。

北新道中

是日微雪

逶迤臨碧澗。絕嶂費將迎。樹禿寒雲護。厓傾古棧橫。
聽溪忘寂歷。看雪喜分明。慙愧輿人力。迢遙信遠征。

艸梁驛曉行

單車犯曉寒。危棧入千盤。賈客蒙霜過。居人俛火看。
溪斯石齒齒。峯影日團團。乍覺晴光好。雲生翠幾攢。

鳳縣道中

綫天青嶂側。曲折各陰晴。石罅冰侵徑。山椒日照城。
斷橋遵麓改。凍葉隔谿明。幾度嵐光裏。空濛悅客情。

上鳳嶺

漸入岩巉裏。層巒劇可攀。徒輿隨磴仰。行旅帶雲還。
艸瘦天彌碧。霜高石自斑。料應峯頂路。望盡萬重山。

望山頂人家

一徑循山脊。人家敞蚤暉。耕雲田有畔。鑿翠牖無扉。
茗雪依岩積。炊烟過岫微。桃源今已改。高隱此中歸。

下鳳嶺

乘危過木杪。極望復空濛。煖散銜峯日。寒生入谷風。
澗幽千葉綠。楓老半巖紅。獨鳥如相引。高深一綫通。

石峽

山○光○集○峽○口○耳○目○亂○幽○森○怪○石○防○驚○馬○奔○濤○濺○細○岑○
峯○攢○天○半○罅○壁○聳○樹○千○尋○誰○信○蒼○茫○內○丹○青○一○抹○深○

柴關

柴○關○懸○古○磴○冬○日○尚○氤○氲○亂○水○流○偏○曲○寒○雲○曉○未○分○
樹○黃○疎○鳥○道○雪○綠○界○峯○紋○斷○岸○蒙○茸○外○啼○猿○定○幾○羣○

望紫栢山

削○立○羣○峯○外○微○茫○古○洞○開○疑○留○丹○鼎○在○應○見○鶴○驂○來○
蒼○鼠○當○人○面○寒○筠○亂○石○苔○欲○窮○登○陟○路○悵○望○一○崔○嵬○

過馬鞍

崎○嶇○不○易○數○幾○度○馬○鞍○牢○入○谷○鳴○濤○駛○披○雲○亂○石○高○
嵐○深○時○隱○騎○樹○古○欲○升○猱○千○里○看○山○眼○攀○緣○亦○告○勞○

其二

殘○驛○枕○江○汀○霜○餘○艸○尚○青○寒○潮○驚○遠○夢○古○月○入○疎○櫺○
岑○暗○松○杉○老○人○稀○颺○狄○靈○山○行○茲○幾○宿○寂○寞○惟○重○經○

夏日間居十首

炎○暉○沉○夕○曠○暑○氣○斲○能○清○敞○綸○間○官○味○深○杯○久○客○情○
課○兒○因○老○怨○感○遇○與○時○平○似○幸○微○躬○息○長○安○未○近○名○

其二

汲古存吾好。居諸不負人。視今應可券。齊物總堪親。
籟靜孤筇影。庭空野馬塵。升沉關底事。問字莫辭頻。

其三

科頭容老放。獨樹下繁陰。有欲非丹訣。無營即道心。
雲過山欽靄。風定鳥和音。隔戶輪蹄杳。寧須更入林。

其四

朋好青樽在。相將共臥遊。市朝塵未改。蓬閣路何修。
瞽史分天道。玄文閱索丘。摧墮髮種種。一醉更焉求。

其五

詩書留福性。何敢怨前人。鳥跡知非古。薪傳定有神。
月孤應罔罔。波淨自粼粼。几席涼風發。忘言坐綠茵。

其六

居然成遠古。傍市閉烟蘿。向晚傳清磬。臨風得放歌。
敢嫌官近冷。漸喜髮全皤。望歲妨幽事。時來看徑莎。

其七

微纒妨千里。浮沉自散材。一丘賒舊業。三徑許新開。
充隱元多事。逃名莫浪猜。從來經塞馬。混跡等蒿萊。

其八

習習庭中羽。飛鳴在一枝。世情應可識。此意豈難期。
刻葉三年抽。藏舟大壑疑。坎流隨所遇。扶杖插疎籬。

其九

一編原寂寂。入手只蒲葵。亦自快意施食饑鳥下。看雲遠岫移。
哀笳凌陌動。珍簞信風吹。海上槎何在。蒼茫問所之。

其十

多病彌成懶。方書時自看。籜冠仍得拭。簪筆豈難安。
清夢依玄艸。疏泉近藥欄。庭柯堪入盼。長日正高寒。

憶枯園二首

烟雨金陵地。爲園罷舊遊。及冬飛洞雪。入夏漲池流。
破夢蘆中客。回頭江上舟。檐花猶歷歷。何日復登樓。

其二

窓外清陰合。辛夷送暮春。松濤三徑雨。石丈六朝人。
不復清罇滿。空令白髮新。只今慚老桂。朝隱悵迷津。

報國寺松同坦公

祇園松樹好。榦老散清陰。當夏常無暑。非山自作林。
彌增臺殿古。不受霰霜侵。惟有經聲近。同傳世外音。

其二

香臺何蔚秀。樹樹屈柯交。種久銷僧臘。濤驚撼鶴巢。
唐○人○無○此○杰○句○閒雲深亦暮。白日靜鈴鐃。却羨天台畔。幽人自結茅。

秋懷四首

秋氣紛相薄。蕭條下暮風。天清羣籟急。木落遠疇空。
萬事兵戈後。十年涕淚中。征鴻過欲盡。鄉信若為通。

其二

我生何艸艸。此日復秋旻。候至裘仍敝。時移氣易馴。
青山客子夢。白髮馬蹄塵。寂寞長安道。黃花幾度新。

其三

空傷時序改。燕市蚤寒侵。自少驅馳力。誰憐遲暮心。
曦光疏遠陌。霜色澹平林。咫尺蘆溝路。雲山入望深。

其四

故里東山徑。亭虛尚閉門。疎桐涼雨過。叢竹晚風喧。
歲月閒鷗渚。烟霜老石根。一筇倘許杖。白社有青樽。

新寒

寥落安生事。新寒晝掩扉。日晴饑雀下。風定凍雲歸。
堪醉隣家酒。空肥海上薇。爐灰還自撥。懶為整書衣。

馬病

馬病成余懶。冬深且閉門。驚風號老樹。寒日澹頽垣。
賴有攤書榻。能無對客尊。從來甘閬寂。髀肉喜堪捫。

除日二首

年華安老大。歲盡蚤無營。謝客遵時禁。攤書散旅情。
邊風經樹急。寒日上窓明。簪筆因緣舊。閒嗟手自更。

其二

邸舍甘蕭寂。新來慰鵲鴒。尊前愁乍減。亂後眼同青。
濡滯諳方語。疎慵妥暮齡。長安人盡客。且莫悵浮萍。

燕將鵲

新巢成幾日。乳燕盡烏衣。喚母猶嬌語。窺簾未遠飛。
劬勞應自喜。飲啄忍相違。鷹隼非吾慮。華堂亦息機。

燕邸卽事四首

長安居不易。半爲卜居錢。敢道官如水。真成署似仙。
庭虛延月早。徑曲盆花妍。未信吾廬遠。攤書任歲年。

其二

是處饒清課。無勞更泛家。近窓茶竈小。繞檻竹籬斜。
馴鶴留餘圃。栽松護舊沙。朝來添爽興。坐看海東霞。

其三

通齋詩選
四壁無餘物。偏留架上書。據梧吟不厭。捫虱榻常虛。
漸覺浮沉便。寧知磬折疎。更憐僮僕意。肯飽市來蔬。
○如○此○僮○僕○不○媿○主○人○

其四

近喜裁家累。悠然吏隱心。開軒容客屐。蔽座藉花陰。
有約尊中酒。無弦壁上琴。未須慚素食。此意等抽簪。

和李筠圃咏庭槐

曾近楊雲宅。繁陰到短牆。傳聲枝作瑞。入夢枕生涼。
鼠耳經春老。蟬吟與夏長。摩娑應不厭。得句敵琳琅。

漫興六首

長夏銷何事。晨慵髮未梳。吾徒稱病數。長者到門疎。
張翰思空劇。元龍氣總鋤。兵戈猶在耳。時復耻端居。

其二

連日市頭米。驚聞價驟贏。無魚原可飽。有舌未須耕。
世態炎涼過。人情懵懂平。衙門香稻白。傲殺東方生。
○中○四○句○無○限○牢○騷○

其三

騎馬有時出。及門不問名。客如循例至。我似瞞公行。
青眼何從着。淄塵亦復盈。鑿垣何太甚。無異古人情。

其四

通齊詩選
煇塵中斷處。馬上見燕山。樹闕傳烽老。峯因抱塞環。
陵園新玉几。壁壘舊巖關。咫尺秋風早。扶筇擬一攀。

其五

上林猶許賦。吾道未全孤。齊虜邯鄲步。中原鄭俠圖。
逍遙淹歲月。介冑壯侏儒。結舌真堪老。還尋賣酒壚。

其六

當年絃誦地。重見大侯張。揖讓還吾道。網羅補舊章。
四方猶鹿駭。多士亦鷹揚。拊髀明王急。將軍未處囊。

熱

誰遣如冰署。炎威勢轉盈。科頭尋竹徑。揮汗對桃笙。
不耐高吹寂。兼愁晚霽明。世情安得似。憑仗待秋聲。

蠅二首

頗恠生成怨。年年定足蠅。集時驅不去。羶處引多朋。
點素偏稱巧。妨朱亦擅能。那堪雙翼便。繞戶更蕩蕩。

其二

吾目秋毫析。臨池惡厥名。托生原糞穢。假翼便縱橫。
止棘讒偏應。逐瓜欲未盈。晨雞聲自警。何用爾先鳴。

雨二首

夜雨空階積。及晨勢轉浮。弘功知潤物。爽氣似催秋。
葉息蟬偏穩。宵飛螢不愁。衝泥吾亦懶。頭角看蝸牛。

其二

雲密天光隔。偏宜枕上吟。堦前艸得意。窗外竹知音。
啟帙蠹魚走。空梁壁虎淋。官貧生事簡。竈火耐淫霖。

立秋日阜成門外二首

時序催流火。蟬聲野更喧。長堤經雨淨。古樹到風翻。
雪動兼葭浦。雲披禾黍村。秋光今似早。思為授衣繁。

其二

林深秋未覺。節換暑當殘。天界千峯碧。波隨一雨寒。
皎添乘障月。清益紉香蘭。荷芰餘初服。因風憶挂冠。

除夕卽事二首

却掃當茲日。翻宜客裏身。交親寧作我。竈熱不因人。
去任安無夢。浮沈淡有隣。獨驚雙鬢色。引鏡未辭頻。

其二

不解憐蕭寂。其如爆竹時。天涯驚換歲。旅况許吟詩。
柳映重城暗。灰隨葭管移。飛騰休計日。盃底恐成絲。
金陵送趙韞退之松江

通齋詩選
喪亂逢吾老。蕭疎送子行。江干烽傲雨。鍾阜日賒晴。
廟畧論兵異。交情對酒平。故園休北望。歸雁亦南征。

五言排律

王敬哉同諸館丈見過兼惠詩用韻志謝

燕市遂今古。重來亦卜居。官閒榻可下。徑僻艸堪鋤。
晒藥留蕭寂。看雲備卷舒。日新惟白髮。見慣是征裾。
玉樹傳聲遠。金門聽履徐。盆三咸矩矱。尺一盡瓊琚。
汗漫迂疎裏。蘧條衰病餘。翻憐添勝事。不復憶淪胥。

不盡

不盡浮生夢。經年尚耐愁。深盃停伏枕。懶性怯持籌。
馬與裘同敝。門當夏妙早秋。鴿原阻瘴厲。冰署寄蜉蝣。
松菊東山麓。荆榛北海陬。青氈懷素業。白眼任岑流。
氣色堯鑿壯。風雲羽檄稠。垂裳歸上理。問宇愧冥摛。
石室新叢艸。芸編舊汗牛。依違空自恧。遲暮復何求。
老筆推班掾。時名謝魏收。耽玄終寂寂。索米正悠悠。
供奉常聞曲。趨蹌各佩鉤。廟廊餘莫定。衡泌美優游。
勾漏留丹竈。滄浪剩釣舟。擊蒙豈有獲。養拙或忘憂。
送日憑孤杖。安心在首丘。元和知未散。汗漫亦天遊。

雨中遣興二十四韻

時有淄川之捷

簷溜驚高枕。侵堦勢驟平。漏天移北極。坼地想南征。
 竈濕炊全晚。牆浮榭半傾。樹欹風漠漠。艸偃晝冥冥。
 羸騎衝泥怯。孤懷與夢縈。囊空愁問酒。髮短愧垂纓。
 倒徙餘披綌。當歌憶聽鶯。一時潦倒態。十載死生情。
 俯仰憂難豁。羈棲淚易并。山河元勝國。烽燧尚佳兵。
 傳檄潢池數。伐謀廟筭明。師行疑枕席。令肅煥旄旌。
 威布終蘇鮒。時和更勸耕。升沉存鵲冠。代謝付楸枰。
 落落看雙展。熒熒耐短檠。忘機憐海鷺。送暑借桃笙。

不分衰年健。期逢永日晴。寧辭耽閨寂。莫厭隔荒儻。
 卜築仍依市。趨蹌只抱經。香遲金鴨燼。漏待玉繩橫。
 貧病煩誰辨。牢騷敢自鳴。生涯歸正穩。客况雨還清。
 招隱山多桂。恬波海絕鯨。閒閒十畝外。秋水映柴荆。

逋齋十咏

舊硯

礧琢自何年。澹然甘守黑。有方未許剞。本靜以觀德。

舊墨

烟細膠千杵。遺方傳易水。不與歲月劇。焉貴洛陽紙。

通齋詩選
石屏

屏石僅盈尺。巉峰帶曉嵐。應知一卷裏。別有化工含。

靈壁石

亦是他山質。叩之發哀響。孤貞竟不移。曾見驚波盪。

舊帖

無勒想良工。纖靡去時態。由來六書則。古人識所貴。

石几

有几本文石。客來置一枰。出雲雖已杳。時益丁丁聲。

磁甌

案上貯清泉。如量乃不溢。摩娑鑑容光。想見埏埴日。

石榻

一榻倚素壁。客邸餘清夢。夏日欲生涼。自然聖可中。

舊印

鐵筆出名手。珍之重兼金。所存乃古法。石鼓無遺音。

舊杯

有杯未滿把。興來常自持。匪能容升斗。重此無瑕姿。

通齋詩選卷之三終

案上銀瓶泉味量不盈翠麥澁容共賦具與並日

通齋詩選卷之四

北海安丘劉正宗可宗父著

安成門人王辰天樞父選

七言律

人日

禁城人日物華同百感何來眼欲瞢不解破愁翻是
酒尚憐作客已成翁風前綵勝烟塵外夢裏鄉園羽
檄中獨坐婆娑舒一嘯敢將冰署比途窮

○不比途窮是學問○

元夜後二日對月

醉裏春光夢未回。燈花到眼已成灰。閒情又向愁中
去。鄉思仍從亂後來。時過傳棋枰尚滑。地多擊筑筑
偏哀。蕭條坐對寒窓月。遮莫霜華兩鬢催。

夜歸

羸馬天街燭影微。宦情騷屑拂征衣。違時未解追通
隱。覓醉無妨送落暉。到耳干戈身世窄。驚心歲月物
華非。東山松菊閒三徑。何日歸如今夜歸。

似古風句妙

雪中出署

宮雲低度玉霏微。晝漏全移逐隊歸。避世敢言金馬

穩。攤書未覺素心違。風吹大陸寒。邊燧樹冷啼鳥靜。
晚暉潦倒獨憐生。事拙海天剩有釣漁磯。

同白東谷過湖上有感

湖光漾碧淨無塵。羸馬重來見早春。華屋日成新燕
壘。荒臺樹倒舊龍鱗。經行是處傷衰髮。閱世何人嘆
積薪。獨有西山渾未改。朝朝空翠落城闌。

送毛香林之淮安

軍儲南國借持籌。雲薄寒生使者裘。古晉唐風攜儉
德。長淮楚水控安流。應看鴈影懷公幹。但遇鳩形念

道州到日郊原春艸遍。王孫若在贈吳鈞。

春懷四首

四詩大雅春容

仲春欲盡暖初回。觸迓風光萬慮推。病裏難尋塵外
賞。花前易怯掌中杯。悠悠世路餘雙泪。寂寂愁吟續
七哀。自笑一官隨馬足。浮生那得付蒿萊。

其二

囊空恨少買花錢。及至花時倍惘然。燭照紅粧迷舊
地。霜垂白髮異當年。重來燕羽巢難定。幾度魚書夢
尚懸。客况不知何處豁。迎人柳色自風前。

其三

西山淡冶亂峰齊。杳靄平分落日低。欹樹顛厓添虎
跡。前朝古寺剩鶯啼。何時休沐逢修禊。到處閒情憶
杖藜。趨走已看春色老。阜城門外艸萋萋。

其四

吾家此日水東亭。遶檻全回雪後青。隔歲杏花應灼
灼。經春竹樹尚冥冥。難將白眼酌紅藥。莫遣緇塵傲
醪醑。自古長安如夢裏。誰憐翹首望烟汀。

憶家園牡丹

尚憶栽花近碧池。年來空說舊開時。色分千萼霞初○妙○
染香殿。三春露自滋。烽火曾同原草寂。夢魂猶與物○可○嘆○
華疑。試尋帝里傳觴處。百寶欄中剩幾枝。

送行屋遊西山

西山入望自巖從。行近白雲處處通。御墨尚留青霽○悽○酸○不○堪○言○
裏天花時落翠微。中寺前鹿跡經朝。雨巖上松聲倚
暮風。試問老僧十載內。遊人幾度到禪叢。

懶

自將踈懶護衰殘。小徑支筇對暮寒。客遇到門看鳥

避杯當入手。覺書闌日憐稚子。諳方語時遣奚奴。拭
簪冠似雪頭顱。忙底事向人怕說未休官。

艷體和成青壇得紅字

香靄簾櫳倚暮風。輕綃隱約玉脂紅。蠻靴猶試當筵
舞。宓枕誰憐誓月衷。怨寫雲和依寶障。歌成宛轉近
花叢。巫峰是處迎青鳥。何俟簫聲下碧空。

和白東谷得裙字

春色全從一座分。波紋簇簇動湘裙。綵箋解乞筵前
句。密意疑成夢裏雲。計日留歡憐小玉。登車洒淚怪

靈芸燒殘絳蠟情何限不向東墻待夕曛

題季上陽像在金山傍

客懷孤寄淨無埃坐對峰紋面面開梅福舊遊如可
問向平夙志未全灰○低○個○留○之○夢留兩岫鐘聲杳棹送長天鴈
影回今日妙高臺上月解看猶有幾人來

重過西苑

秋杪仍從廢苑過飛虹依舊俯寒波○可○感○參差艮嶽天中
石寂寞粧樓檻外莎鳳舸久閒鷗鳥靜蛙聲時送夕
陽多無端客思驚雙眼望裏冥鴻柰爾何

用韻酬野鶴見投道齋之作

生事蕭蕭硯亦蕪仍餘爛醉近良圖門堪羅雀全同
隱債到徵詩半欲逋籬葦香殘宵燭冷角聲寒徹曉
霜孤多君肯借奚囊色馬耳雙峰翠未枯

夜坐

鬢霜客舍又三年留滯重驚歲暮天故國音書寒鴈
外他鄉涕泪早梅前○預○愁○妙○預愁筋力經春懶且喜壺觴向
夜偏安得杖藜丹壑穩燒殘黃葉抱雲眠○思○之○不○可○得○

醉起

朔風一夜倒偏提解使衰翁醉似泥擊柝猶傳青海
箭探幽誰問武陵溪故園莎徑霜全冷絕塞烽烟日
半低○妙○領略春光狂不減西山且莫動征鼙

卒歲漫興四首

驚飈催漏夢魂勞短鬢依稀認二毛燕市悲歌應擊
筑漢家臘日憶烹羔○不堪○憶○冰霜似妬空齋葢楮翻憐三
徑蒿戎服偏忘年老大蒙茸時逐五陵豪

其二

微茫雪色澹遙天薄幌低垂一榻縣有意催人簷外
○何○讓○古○人○

景不堪覓醉杖頭錢草枯朔塞閒征馬波宴南陲戢
戰船俯仰定甘身世拙獨傷客况自年年

其三

為郎廿載髮全皤壺缺當年意若何稚子未精文選
理老夫擬借魯陽戈衝寒馬足因風急積凍書衣趁
日和湖海幾人能寄傲低回心事付蹉跎

其四

車門寒肅玉京傍大漠風來接建章畫角穿雲回客
夢吳鉤襍珮動晨光將除歲序迷雙眼未滌愁懷付

甲申年以後之詩

一觴羽檄那堪繁故里。占年意緒轉茫茫。

冬杪飲岳朋海新齋有述

擬開欄檻對嶢岼。坐揖空明俯碧湍。章曲風光盃底出。燕臺形勝鏡中看。胸餘丘壑官同隱。天入蒹葭夢亦寒。回首滄洲烽火外。馮將清興共長安。

贈湯道未西洋曆師

勇猛辭家證見聞。片帆衝破海東雲。攜來圖畫輕龍象。記得方言傲典墳。世外人天恣領畧。眼前川陸失紛紛。逢君不信丹書貴。促膝玄亭日已曛。

壽張蓬玄少宰

未染髭鬚尚黑頭。策名甲子已將周。燕臺並轡無行輩。洛社尋盟有舊遊。鑒別媿妍仍水鏡。銷融吟域即丹丘。玄言一塵元堪領。風月何辭佐酒籌。

秋日送鄉人翟玉華東歸

玉華舍醫

愧我侵尋耽病骨。多君邂逅借方書。物華到眼沈疴後。時事驚心稔亂餘。千里關山雲樹冷。一丘松菊夢寬疎。歸歟應踐他年約。海上烟霞共艸廬。

聽雨

搖落秋光正欲深。西風一夕送寒霖。來侵書幌聲偏急。去映莓苔影漸沉。躍馬幾年誰更卜。啣盃此日自長吟。回頭莫問傷心事。且喜虛簷亂暮砧。

秋日禱感四首

虛窗積雨竹聲颼。小徑無人碧欲流。此夕清砧仍七月。異鄉衰鬢又三秋。難諧時好齊門瑟。易救西風季子裘。日暮金臺寒照裏。蒹葭裊裊動人愁。

其二

枕上雨聲到耳盈。階前驟見白波生。巖雲黯黯低窗

去。蕉葉淒淒近戶鳴。乞火有隣饕子懶。還家無夢客魂驚。那堪更入爲郎署。羸馬衝泥未易行。

其三

獨對閒亭綠幾叢。跡如鴻爪夢飛蓬。塵容重覺年年容羸骨。難堪陣陣風。仍有山光來座上。應無愁思到杯中。隔垣不盡玄蟬競。樹色微分遠照紅。

其四

薊門東去接鄉園。候至涼生客思繁。千里烽烟迷艸樹。五陵笳鼓動郊原。風來絕塞征鴻急。氣肅高旻落

日昏惆悵空傷人事改。無端愁緒與誰論。

寄家書

海天東望隔蒼茫。鴈羽因風欲斷腸。縱說有秋防穀○鄉○思○如○此○賤况聞多壘怯途長。窮交白首三年別。故國荒原八月涼。珍重好音千里外。願言為理芟荷裳。

偶過朋海秋舫看菊

九秋過半菊未殘。秋舫齋頭初滿欄。帶露傳香客舍寂。看山獨酌西風寒。紅塵滾滾隔三徑。遠夢悠悠憶一竿。安得相期蕩烟水。殮英倒着鹿皮冠。

京口夜泊

自昔江山發嘯咏。重來勝地一悲歌。潮通鐵甕浮歸棹。夢到金陵隔逝波。人代幾驚身是客。荷衣未就髯空皤。奚囊寂莫蘆花冷。入夜秋聲枕上多。

庭桂三花甚盛

初來庭畔桂新凋。凋後三開意轉饒。指似土人花近瑞。教臨月路子遲飄。芙蓉薄艷羞難再。籬落爭黃讓久要。寄語寒松空偃蹇。天香也得傲霜朝。舊傳西湖月路中秋落桂子

粉爭先

寒花渾未妒先開。讓豔凝香。取次裁開，葉只疑纖月。
照陵朝。誰辨早霜來。珮萸有待，拳香雪送，酒無驚靜。
綠苔自避重陽風雨。候輕黃濃紫，莫深猜。

○此○聯○工○甚○

紫牡丹

馮將富貴耐輕寒。紫萼如垂百寶欄。似怯春光恣爛。
熲却留霜質。殿凋殘。升華宜並黃金蕊。鬪艷堪爭赤。
玉盤不是籬邊秋意透。翻疑洛圃露先專。

太真黃

侵曉籬邊簇嫩黃。凭欄還似按霓裳。平分金粟風前。
影靜照流蘇。舞後粧。溥露空憐閒寶曆。輕寒猶自倚。
修篁馬嵬繡襪傳香遠。長得清姿傲晚霜。

玻璃瓶貯花

案頭孤擁水晶寒。小折芳叢影未安。波入空明渾並。
色香隨清冷。秀堪餐。已無根蒂留塵相。尚有光華引。
靜觀幾度近人愁。誤觸頻移素艷避冰盤。

○語○語○自○道○

白鸚鵡

一片白雲度隴回。雕籠盡日影徘徊。久依京洛塵難

染遠歷關山。夢尚猜。月下笙簧凝檻露。花前冰玉亂。簷梅上皇舊事。應能記。莫向昭陽院裏來。

舟中卽事

回首燕山漸渺茫。一帆秋色照行裝。洩雲低度眼鷗。寂過雨斜侵畫鷁涼。時踰授衣仍遠役。計成泛宅尚他鄉。宦情欲共漁蓑冷。惟有青樽耐鬢霜。

華清宮懷古

華清宮殿已塵埃。猶有溫泉地底回。玉甃未隨川陸改。何人曾見珮環來。疑催羯鼓風生樹。罷舞霓裳月

上苔。最是無情與廢速。馬嵬西望更堪哀。

浴溫泉

平池煖液玉光明。滌盡紅塵客感生。人世幾回成代謝源泉。一派渾虛盈山懸繡嶺。松仍碧閣近朝元。瓦尚橫極目寒雲迷古堞。潺湲惟有入畦聲。

紀事

幾城生齒已塵埃。塞上烟烽尚未回。破屋有燐驚涕淚。尚方無忿助啣盃。諸陵艸木先秋冷。大帥霓旌按轡來。從古至尊憂社稷。日聞勝筭自天開。

感興

潢池自古計時消。底事捷音日寂寥。溝壑幾年餘婦
子。追呼四海盡征徭。山河未信函關險。壁壘偏憐細
柳遙。又報廟堂籌士馬。軍中誰是霍嫖姚。

其二

持籌仗鉞不無人。聚米量沙總是塵。望裏金城湮滅
久。耳中瑣闥柳榆新。魯連東去應歸海。蔡澤西來本
入秦。願見壯猷麟閣迥。小兒辯日豈妨頻。

和葛德孚吏部松雲石咏

突兀寒光衆態迎。擎風老幹帶雲橫。濤聲近送莊臺
雨。虹影遙披衛水晴。擬共著書忘歲月。時看出岫嶂
簷。楹不妨袍笏驚苔色。門逕無私只舊盟。

讀劉文度詩

夢裏溪山未可尋。寄將一帙故人心。神因病裡清同
鶴。響以哀多警似砧。聊復憂時非借箸。偶然問世欲
投琴。獨憐偕隱漆幽事。聞道樵青亦解琴。
文度有婢能詩

七夕有懷

空堦露淨見螢飛。坐領新涼興不違。庭可曝衣聊復

通齋詩選
爾節名乞巧。本忘機。世間聚散緣難定。天上悲歡晤
亦稀。初月近人如有意。故園松桂待餘輝。

除夕咏懷二首

○開○口○啼○噓○
四十九年如電走。明朝一半百年人。燈前寂寞尊中
栢鏡裏蕭疎鬢。上銀歲月不將愁並去。悲歡時與夢
爲因。獨憐騎馬長安道。盡識劉郎面孔塵。

其二

拋擲歲時心欲折。低回風物眼仍明。虛疑艸木傳兵
氣。實隔關河黯客情。拚醉能辭盃潦倒。憂天空使淚
縱橫。依然五夜呼嵩去。幾處華封達鳳城。

春日漫興六首

柳花飛盡絳桃開。歲月偏驚羽檄催。幾處川原燐火
競。故鄉風物澤鴻哀。真憐短髮耽多病。浪逐虛舟愧
不才。徙倚那禁煩客思。松筠遙寄海東隈。

其二

無聞的的欲抽簪。日向閒窗效越吟。塞馬已嘗留寂
寞。楚弓可得任浮沉。臨風學舞尊前袖。問世還投座
上琴。寸管新來江夢杳。長楊未賦恨春深。

其三

上林春曉滯皇州。閱盡烽烟艸樹浮。曠代更恢麟鳳
網。何人欲典鷓鴣裘。新筍堪醉迷青眼。客夢全驚嘆
白頭。投閣子雲傳識字。草玄千載尚悠悠。

其四

青帝乘權百卉驕。飛花河上助逍遙。燕臺市駿誰逢
骨。楚女希恩自鬪腰。彈鋏欲歸春已暮。射書排難志
全銷。獨傷頓削郊原色。千里黃塵長綠苔。

其五

年婁蕞爾近營丘。每到春來憶舊遊。鴻鴈一分雙鬢
老。青山嘗換十年愁。官閒榻上餘書帙。興盡花前廢
酒籌。公冶千秋空故址。為儒今已佩吳鉤。
公冶長書院在吾渠

憶別家兄思石十年矣

其六

驚看名郡又成墟。司馬門前狎羽書。當日勝遊餘雪
浪。故人壯志盡兵車。嘉山淡冶時雙淚。薄宦闌珊付
一歔。袖手小齋堪閣筆。紙窗蕉影葉休舒。
傷心不堪言
時定州報陷兵使者

為門人張雷溪雪浪石嘉山俱在定

李鶴嶼招飲西涯文正公舊園因拜公遺像獲

觀毅皇温綸感賦

開樽選勝豁幽襟。先正風流尚可尋。老樹荒池迎杖履。殘春落日悵登臨。廿年綸閣雍熙業。半畝閒情代謝心。臺上一枰留片石。長安似奕徑花深。

又公四歲以神童召入大內後登館閣立朝五十載致政在正德七年時璫瑾伏法矣而其相業大著弘治間故篇中及之

散篋凝塵遺像垂。乍疑文藻焰鬚眉。會驚天上石麟譽。未覺堂前巢燕悲。温語幾行清側後。輿情千載易

名時徘徊此意知。何限九葉昇平入夢思。

七言絕

同孫河柳看冬日海棠戲成四絕

似耐新寒點嫩梢。喜看晴雪照紅綃。君家樂事燒銀燭。為問朱顏若個嬌。
時河柳新納姬

其二

底事西川不擅名。粧成伴醉自多情。春風爛熳應無限。冰筋寒生分外清。

其三

進修詩選
何勞奴婢橘千頭。解笑盈盈破客愁。若道幽香輸粉
隊。奪將妖艷也風流。

其四

傾城自古說紅粧。况是開時未豔陽。為傍輕綃眠更
穩。嫣然相對惱劉郎。

和盧九台驥咏五絕

玉頂赤

邊城霞起見龍驤。月影孤懸玉勒涼。汗血一揮秋艸
寂。只疑燒却磧間荒。

桃花驄

碎點珊瑚帶素塵。障泥錦色鬪鮮新。桃花亂映關山
暖。誰道窮邊不見春。

豹花驄

自是軍中貔虎羣。疑從霧裏煥玄文。秋原射獵雕弓
勁。珠灑金錢照夕曛。

燕色駒

紫鷲西來勢莫當。飛騰大漠似龍翔。將軍領是封侯
相。竝爾圖形麟閣傍。

卷之...

赭白

八尺霜毫自渥洼○稍將點染燦朱霞○燕支塞外閒○
草牧向山前○色更華○



四川圖書館藏

書